

## ۲۱ آذر

بیر ایل ده کچدی. خلقیمیز بیر ایل ده آرتیق شوینیزمه رکاب ورمه یه بیون قیمالی اُلدو. بیر ایل ده بالالارئتمز، قترلی، اُغلانلی اؤز دیل لرینده یخ، یاد بیر دیلده یازئب اُخوماق اؤرگشمه یه باشلادئلار. بیر ایل ده آنا یرینه مادر، آتا یرینه پدر اؤرگندیلر بیله لرینه.

۲۱ آذر اگر آمریکا، اینگیلسین دایاق دورماسی و سیلاحی، و «وطن پرستلرین» الی ایله قان ایچینده بۇغولماسا ایدی، بو گون اوشاقلارئمز بله اوغورسوزلوغا دوچار اُلمازدئلار. داها بیزه تهراندان مأمور آدی ایله عملده شاه گؤنده ره بیلمه زدیلر. کارخانلارئمزی سؤکوب آپارئب شاهئن خصوصی مولکو اُلان خزر قتراغی ایالتلرینده قورا بیلمه زدیلر. مینلرله ایش سیز قالمئش خلقیمیزی سیاسی سورگونه گؤنده مکده ن باشقا، ایش آختارماق اوچون، بیله بیله و جینایتکار قصدله ویرانه کؤکه سالئمئش آذربایجاندا اؤلکه نین آیری یرلرینه سوروتله یه بیلمه زدیلر.

۲۱ آذر اگر آمریکا و اینگیلسین دایاق دورماسی و سیلاحی گوجونه «وطن پرستلر»ین الی ایله فنایه چکیلمه سه ایدی، ایندی بیزیم یوردوموزون گونو، هر باخئمدا توتوشدورولماز بیر درجه ده بوندان یاخچی اُلاردی. آرتندان دؤرد نسلیمیز اؤز دیلینده تحصیل آلتب، تهراندا یا آیری یرلرده ایشله ییب آبادلایتنجا، آذربایجانیه بهشته ده دؤنده رمه ایدی، ایندی کینه ن یوز قات آباد اتمیشدی. اؤز غلط سیاستلری ایله کندلری بۇشالئب، یاراماز میلیونلوق شهرلر یارادئب و اُلارا سو تأمین اتمک و تترپ یرکؤکو اکمک آدی ایله آذربایجانئن فیروزه سی «اورمو گؤل»نه آخان چایلاری اُنلاماز، جینایتکار سیاست له دایاندئرئب سدلرین دالئندا ساخلایا بیلمه زدیلر. آذربایجانئن دمه یه سؤزو اُلا بیلسه ایدی، آذربایجانئن «ملی حاکمیتی» اُلسایدی، اُنون ترپاقلارئنا، سویونا، هاواستنا اؤز اوشاقلاری، اؤز ایشچیلری، اؤز مهندسلری باش قُشسا ایدی، بو فاجعه باش وره بیلمه زدی.

۶۷ ایل قاباق آتابابمئز، آذربایجانئن یوردونا و خلقینه اوره یی یانانلاری بو فاجعه لرین باش توتماماسی اوچون، اؤز خلقینی آخ گونه چنخارتماق نیئی ایله اُقل لارئنی چئرمالامئشدئلار و چتینلیک لره باخمایاراق میدانا گیرمیشدیلر. آمما، تاریخین اُیونلارئندان بیرینده، «سُیوق محاربه»نین باشلانئش نقطه سینه دؤنوب و بو محاربه ده اُلان هر ایکی بلوکون نامردجه سینه یریدیلن خیانتینه قوربان گئدی.

عشقی وار ایدی شهریارئن گول لو چیچکلی؛ افسوس قارا یل اسدی، خزان اُلدو باهاری.

کچمیشلرده ن درس آلمالی اُلان خلقیمیز، خارجی قوه لرین آنجاق اؤز منافعینی گوددویونو یاخچی بیلیب و اُنلارئن فئرئداقلارئنا اویمامالی دئر. اینسانئن کوره یی قاشئاندا اؤز الی اُرانی قاشئماسا، اؤزگه الی اوره یینی کوره یینده ن چنخاردار. ملی حاکمیته چاتمایتنجا ان کیچیک ایسته کلریمیزه یتشمه یی آنجاق یوخودا گؤرمک اُلار. بو یلدا چالشماق گره ک.